

დამტკიცებულია

შპს გია მურღულის უნივერსალური სკოლის
დირექტორის 2026 წლის 20 აპრილის N2-23 ბრძანებით

**შპს გია მურღულის უნივერსალური სკოლის მოსწავლეთა
თვითმმართველობის დებულება**

2026 წელი

მუხლი 1. ზოგადი დებულებები

1.1. შპს გია მურღულია უნივერსალური სკოლის (შემდგომში „სკოლის“) მოსწავლეთა თვითმმართველობა არის „ზოგადი განათლების შესახებ“ საქართველოს კანონის 47-ე მუხლის შესაბამისად არჩეული ორგანო.

1.2. მოსწავლეთა თვითმმართველობა დაკომპლექტებულია საბაზო და საშუალო საფეხურის მოსწავლეებისაგან, რომლებიც არჩეულია შესაბამისი საფეხურის მოსწავლეთა მიერ.

1.3. მოსწავლეთა თვითმმართველობა ვალდებულია, თავისი საქმიანობა წარმართოს ამ დებულების საფუძველზე და მის შესაბამისად, წვლილი შეიტანოს მოსწავლეთა განვითარებაში.

მუხლი 2. მიზნები და ამოცანები

2.1. მოსწავლეთა თვითმმართველობის ძირითადი ამოცანაა ხელი შეუწყოს სკოლის ფუნქციონირებასა და მმართველობით საკითხებში მოსწავლეთა მათქმალურ ჩართულობას.

2.2. მოსწავლეთა თვითმმართველობა თავისი უფლებამოსილების ფარგლებში:

- იცავს და წარმოადგენს მოსწავლეების უფლებებსა და კანონიერ ინტერესებს;
- თანამშრომლობს სხვა საგანმანათლებლო, სასწავლო და სპორტულ/კულტურულ დაწესებულებებთან;
- მოსწავლეთა თვითმმართველობის მიზნების მისაღწევად ახორციელებს „ზოგადი განათლების შესახებ“ საქართველოს კანონით და ამ დებულებით გათვალისწინებული სხვა უფლებამოსილებებს.

2.3. მოსწავლეთა თვითმმართველობის ძირითადად მიზნებს წარმოადგენს:

- მოსწავლეთა პრობლემური თუ საინტერესო საკითხების განხილვა და აღნიშნულთან დაკავშირებით სკოლის მმართველობითი ორგანოების ინფორმირება;
- სხვადასხვა საგანმანათლებლო აქტივობების ორგანიზება;
- მოზარდის გონებრივი და ფიზიკური უნარ-ჩვევების განვითარება, ჯხოვრების ჯანსაღი წესის დამკვიდრება;
- კულტურული ფასეულობათა პატივისცემა; მოსწავლის მიერ საკუთარი უფლება-მოვალეობების გაცნობიერებაში ხელშეწყობა;
- მოსწავლეთა ჩართვა სხვადასხვა ღონისძიებებსა და აქტივობებში და ა.შ.
- მოსწავლეთა ინიციატივების მხარდაჭერა და განხორციელებაში დახმარება.

მუხლი 3. თვითმმართველობის დაფინანსების წყაროები:

მოსწავლეთა თვითმმართველობის დაფინანსების წყაროებია:

- სკოლის ბიუჯეტი;
- მოსწავლეთა მიერ მოპოვებული გრანტები, შემოწირულობები;
- კანონით ნებადართული სხვა შემოსავლები.

მუხლი 4. არჩევნების ჩატარების დრო

1. საბაზო და საშუალო საფეხურის მოსწავლეები ირჩევენ საკუთარ თვითმმართველობებს თანასწორობის საფუძველზე, პირდაპირი კენჭისყრით, კლასების მიხედვით თანაბარი წარმომადგენლობის პრინციპის დაცვით;
2. თვითმმართველობის არჩევნები ტარდება სასწავლო წლის დაწყებიდან ერთი თვის ვადაში და თვითმმართველობის არჩეული შემადგენლობის უფლებამოსილება განისაზღვრება მომდევნო სასწავლო წლის მოსწავლეთა შემაბამისი თვითმმართველობის ახალი არჩევნების ჩატარებამდე.

მუხლი 5. საარჩევნო სიები და კანდიდატთა რეგისტრაცია

- 5.1. საბაზო და საშუალო საფეხურის მოსწავლეთა თვითმმართველობების არჩევნებში მონაწილეობის მიღების უფლება აქვს საბაზო და საშუალო საფეხურის ყველა მოსწავლეს.
- 5.2. ამომრჩეველთა სიას ადგენს კლასის დამრიგებელი, რომელსაც აკონტროლებს საარჩევნო კომისიის თავმჯდომარე.
- 5.3. მოსწავლეები, რომელთაც სურთ არჩეული იყვნენ საბაზო ან საშუალო საფეხურის თვითმმართველობაში, რეგისტრაციას გადიან შესაბამისი კლასის დამრიგებელთან არჩევნების ჩატარებამდე არა უგვიანეს 3 დღით ადრე, დამრიგებლის არასებობის შემთხვევაში კი - სკოლის დირექტორთან.
- 5.4. არჩევნებში კანდიდატად რეგისტრაციის მსურველები მიმართავენ შესაბამისი კლასების მიხედვით დამრიგებლებს, ავსებენ სარეგისტრაციო განაცხადს და ენიჭებათ შესაბამისი საარჩევნო ნომერი (იხ. დანართი N1.1).

მუხლი 6. წინასაარჩევნო კამპანია და აგიტაცია

- 6.1 საარჩევნო კომისია ვალდებულია კანდიდატის რეგისტრაციის დასრულებისთანავე სკოლის დირექციის დახმარებით უზრუნველყოს კანდიდატის ავტობიოგრაფიის და საარჩევნო პროგრამის (ასეთის არსებობის შემთხვევაში) საჯაროობა სკოლის სტენდზე გაკვრით, სკოლის ხელთ არსებული სხვა საშუალებებით (სკოლის ვებ-გვერდზე გამოქვეყნება და სხვ.).
- 6.2 კანდიდატს უფლება აქვს ჩატაროს წინასაარჩევნო კამპანია, რომელიც იწყება კანდიდატის დამრიგებელთან მიერ რეგისტრაციაში გატარების მომენტიდან. წინასაარჩევნო კამპანიის ფარგლებში ყველა კანდიდატი სარგებლობს თანასწორი უფლებებით.
- 6.3 ასარჩევ კანდიდატებს, ასევე მათ მხარდამჭერ პირებს უფლება აქვთ ეწარმოონ წინასაარჩევნო აგიტაცია კანდიდატის მხარდასაჭერად ან საწინააღმდეგოდ.
- 6.4 არჩევნების დღეს იკრძალება კამპანიისა და აგიტაციის წარმოება.
- 6.5 წინასაარჩევნო კამპანიასა და აგიტაციაში მონაწილეობის მიღების უფლება არა აქვთ:
 - საარჩევნო კომისიის წევრებს;
 - სკოლის დირექციას;
 - დამკვირვებლებს.
- 6.6 წინასაარჩევნო კამპანია და აგიტაცია შეუძლებელია განხორციელდეს სხვადასხვა ღონისძიებების ჩატარებით (კრებები და შეხვედრები ამომრჩეველთან,

საჯარო დებატები და დისკუსიები ახალი კორონავირუსის გავრცელების თავიდან აცილების მიზნით საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს რეკომენდაციების დაცვით), ბეჭდური სააგიტაციო მასალის გამოცემა-გავრცელებებით, წინასაარჩევნო მოწოდებებით, განცხადებებებით, ფურცლებისა და ფოტომასალის დამზადებისა და გავრცელების გზით, ასევე კანონმდებლობით ნებადართული ნებისმიერი სხვა საშუალებებით. აკრძალულია მათი გავრცელება სასკოლო სასწავლო პროცესის ხელის შეშლა და ჩამორთმევა.

6.7 წინასაარჩევნო კამპანიამ და აგიტაციამ არ უნდა ხელს შეუშლოს სასწავლო პროცესს. იკრძალება გაკვეთილებზე საარჩევნო კამპანიისა და აგიტაციის ჩატარება, ასევე ნებისმიერი ისეთი ქმედება, რომელიც ხელყოფს წესრიგს სკოლაში ან ზიანს აყენებს მის ქონებას.

მუხლი 7. საარჩევნო პროცედურები, არჩევნების ჩატარების წესი და კენჭისყრის შედეგების განსაზღვრა

7.1 არჩევნების მომზადების, ამომრჩეველთა ნების თავისუფალი გამოვლენის, კენჭისყრის და საკლასო ოთახებში არჩევნებისათვის საჭირო გარემოს მოწყობა ევალება საარჩევნო კომისიას.

7.2 შენობაში თვალსაჩინო ადგილას გამოკრული უნდა იყოს:

- არჩევნების ჩატარების თარიღი და დრო;
- ინფორმაცია საარჩევნო კანდიდატთა შესახებ (სახელი, გვარი, საკონტაქტო ინფორმაცია);
- ხმის მიცემის ინსტრუქცია;
- საარჩევნო ბიულეტენის შევსების წესი.

7.3 საბაზო და საშუალო საფეხურის კლასების საკლასო ოთახებში თვალსაჩინო ადგილას განთავსდება საარჩევნო ყუთი.

7.4 ამომრჩეველები სასურველი კანდიდატისათვის ხმის მისაცემად ავსებენ საარჩევნო ბიულეტენს (იხ. დანართი N1.2).

7.5 გამარჯვებულად ითვლება მოსწავლე, რომელიც შესაბამისი კლასში მეტ ხმას მოიპოვებს.

7.6 მოსწავლეთა თვითმმართველობის არჩევნების დასრულების შემდეგ, საარჩევნო კომისია ადგენს შემაჯამებელ ოქმს (იხ. დანართი N1.3).

7.7 თვითმმართველობის წევრები, არჩევნების შედეგების გამოქვეყნებიდან 7 დღის ვადაში, საკუთარი შემადგენლობიდან, სიითი შემადგენლობის უმრავლესობით ირჩევენ შესაბამისი საფეხურის თვითმმართველობის თავმჯდომარეს.

მუხლი 8. მოსწავლეთა თვითმმართველობის თავმჯდომარის არჩევის წესი

8.1 მოსწავლეთა თვითმმართველობის თავმჯდომარე არის მოსწავლეთა თვითმმართველობის წარმომადგენელი, რომელიც თავმჯდომარეობს თვითმმართველობას;

8.2 თვითმმართველობის წევრები არჩევნების შედეგების გამოქვეყნებიდან 7 დღის ვადაში საკუთარი შემადგენლობიდან სიითი შემადგენლობის უმრავლესობით ირჩევენ შესაბამისი საფეხურის თვითმმართველობის თავმჯდომარეს, რომელიც ხელმძღვანელობს საფეხურის მოსწავლეთა თვითმმართველობას.

8.3 მოსწავლეთა თვითმმართველობის თავმჯდომარე არჩევა მოსწავლეთა შესაბამისი თვითმმართველობის ახალი არჩევნების ჩატარებამდე.

მუხლი 9. მოსწავლეთა თვითმმართველობის თავმჯდომარის ფუნქციები

მოსწავლეთა თვითმმართველობის თავმჯდომარე:

- ხელმძღვანელობს მოსწავლეთა თვითმმართველობას;
- წარმოადგენს მოსწავლეთა თვითმმართველობას სკოლის დირექციასთან და მესამე პირებთან ურთიერთობაში;
- კოორდინაციას უწევს მოსწავლეთა თვითმმართველობის მიერ შექმნილი კლუბების საქმიანობას;
- კანონმდებლობით დადგენილი წესით ახორციელებს სხვა უფლებამოსილებებს

მუხლი 10. მოსწავლეთა თვითმმართველობის წევრისა და თავმჯდომარისათვის უფლებამოსილების შეწყვეტის წესი

10.1 საბაზო და საშუალო საფეხურების მოსწავლეთა თვითმმართველობის თავმჯდომარისათვის/წევრისათვის უფლებამოსილების ვადამდე შეწყვეტის საფუძველია:

- პირადი განცხადება;
- მოსწავლის სტატუსის შეჩერება/ სკოლიდან ამოღება/ სწავლის დასრულება;
- სკოლის შინაგანაწესით ან ნინანდობარე დებულების წესების უხეში დარღვევა;
- არასაპატიო მიზეზით თვითმმართველობის სხდომებზე ზედიზედ 2-ჯერ დაუსწრებლობა;
- სასამართლოს მიერ ქმედუუნაროდ, გარდაცვლილად ან უგზოუკვლოდ დაკარგულად გამოხდა;
- სხვა ობიექტური გარემოება.

10.2 საბაზო და საშუალო საფეხურების მოსწავლეთა თვითმმართველობის თავმჯდომარის უფლებამოსილების ვადამდე შეწყვეტის შემთხვევაში, მოსწავლეთა თვითმმართველობა შესაბამისი საფეხურის მოსწავლეთა თვითმმართველობის დარჩენილი წევრებიდან ირჩევს თავმჯდომარეს დარჩენილი უფლებამოსილების ვადით.

მუხლი 11. თვითმმართველობის მუშაობის წესი

11.1 მოსწავლეთა თვითმმართველობას ხელმძღვანელობს თვითმმართველობის მიერ არჩეული თავმჯდომარე, ხოლო მისი არყოფნის შემთხვევაში სხდომას წარმართავს ხმათა უმრავლესობით არჩეული პირი.

11.2 თვითმმართველობის პირველი სხდომა იმართება მოსწავლეთა თვითმმართველობის არჩევნიდან 7 დღის ვადაში, ხოლო შემდგომ - მოსწავლეთა თვითმმართველობის თავმჯდომარის მოწვევით საჭიროების შემთხვევაში.

მუხლი 12. თვითმმართველობის ძირითადი ფუნქციები

თვითმმართველობა დასახული მიზნების მისაღწევად ახორციელებს შემდეგ ძირითად ფუნქციებს:

- შეიმუშავებს და სკოლის დირექციას წარუდგენს მნიშვნელოვან მოსაზრებებს სხვადასხვა საკითხთან დაკავშირებით;
- თანამშრომლობს დირექციასთან და სხდომებზე მიღებული გადაწყვეტილებების ათანხმებს მასთან;
- იცავს მოსწავლეთა ინტერესებს და მათი უფლებებს, საჭიროების შემთხვევაში შუამდგომლობს მოსწავლეები სკოლის დირექციასთან;
- ხელს უწყობს სკოლაში არსებული კლუბების აქტიურ მუშაობას;
- მონაწილეობას იღებს სკოლაში მიმდინარე ღონისძიებების, პროექტების დაგეგმვასა და განხორციელებაში;
- შუამდგომლობას აყენებს სკოლის დირექტორთან გამორჩეული მოსწავლეების წახალისების საკითხთან დაკავშირებით;
- გეგმავს გამოფენებს სკოლის ტერიტორიაზე სკოლის დირექტორთან შეთანხმებით;
- შეიმუშავებს რეკომენდაციებს სკოლის შინაგანაწესთან დაკავშირებით;
- დირექტორს წარუდგენს წინადადებებს სკოლისათვის მნიშვნელოვან ყველა საკითხთან დაკავშირებით;
- სკოლის წესდებით დადგენილი წესით და საქართველოს კანონმდებლობის შესაბამისად მოსწავლეობის მოპოვებული გრანტის განკარგვაში;
- წევრთა ერთი მეხუთედის ინიციატივით ქმნის სასკოლო კლუბებს და ირჩევს მათ ხელმძღვანელებს;
- უფლებამოსილი წარმომადგენლის მეშვეობით მონაწილეობას იღებს დისციპლინური კომიტეტის მუშაობაში.

მუხლი 13. დებულების დამტკიცება და ცვლილებების შეტანა

დებულების დამტკიცება. მასში ცვლილებებისა და დამატებების შეტანა ხდება დირექტორის ბრძანებით.